



REPUBLIKA E SHQIPËRISË
ENTI RREGULLATOR I ENERGJISË
BORDI

VENDIM

Nr.217, Datë 27.10.2021

MBI
SHQYRTIMIN E KËRKESËS SË OSSH SH.A.

PËR NDRYSHIMIN E VENDIMIT TË ERE-S NR. 181, DATË 23.11.2016, “PËR DISA NDRYSHIME NË VENDIMIN NR. 104, DATË 23.06.2016, TË BORDIT TË ERE “MBI PËRCAKTIMIN E METODOLOGJISË SË VLERAVE REFERUESE NË RAST SE TË DHËNAT E MATJES JANË PËRKOHËSISHT TË PADISPONUESHME DHE TË PAARRITSHME SI DHE MBI SHFUQIZIMIN E VENDIMEVE TË ERE NR. 49, DATË 21.10.2004 DHE NR. 146, DATË 24.12.2013”

Në mbështetje të neneve 16 dhe 76, pika 4, të Ligjit nr. 43/2015, “Për sektorin e energjisë elektrike”, i ndryshuar; dhe neneve 15, 19 dhe 26, të Rregullores për Organizimin, Funkcionimin dhe Procedurat e ERE-s, miratuar me vendimin e bordit të Entit Rregullator të Energjisë (ERE), nr. 96, datë 17.06.2016, bordi i ERE në mbledhjen e tij të datës 27.10.2021, mbasi shqyrtoi relacionin nr. 136/4 prot., datë 20.10.2021, të Drejtorive Teknike, “Mbi shqyrtimin e kërkesës së OSSH sh.a. për ndryshimin e vendimit të ERE-s nr. 181, datë 23.11.2016, “Për disa ndryshime në vendimin nr. 104, datë 23.06.2016, të bordit të ERE “Mbi përcaktimin e metodologjisë së vlerave referuese në rast se të dhënat e matjes janë përkohësisht të padisponueshme dhe të paarritshme si dhe mbi shfuqizimin e vendimeve të ERE nr. 49, datë 21.10.2004 dhe nr. 146, datë 24.12.2013”

Konstatoi se:

- OSSH sh.a. ka paraqitur pranë ERE kërkesën me nr. 4927 prot., datë 31.05.2021, protokolluar në ERE me nr. 715 prot., datë 02.06.2021, për ndryshimin e vendimit të ERE-s nr. 181, datë 23.11.2016, për disa ndryshime në vendimin nr. 104, datë 23.06.2016, të bordit të ERE, “Mbi përcaktimin e metodologjisë së vlerave referuese në rast se të dhënat e matjes janë përkohësisht të padisponueshme dhe të paarritshme si dhe mbi shfuqizimin e vendimeve të ERE nr. 49, datë 21.10.2004 dhe nr. 146, datë 24.12.2013.
- Me shkresën nr. 4927 prot., datë 31.05.2021, OSSH sh.a. ka bërë me dije se ka faturuar me vlerë referuese zëvendësuese të gjithë përdoruesit e saj, në rastet kur konstaton se të dhënat e matjes janë përkohësisht të padisponueshme ose të paarritshme për një periudhë më të

gjatë së një muaj (matësi është i dëmtuar, matësi është jashtë kushtit teknik apo mungon aksesi në të dhënat e matjes), në zbatim të vendimeve të bordit të ERE-s nr. 104, datë 23.06.2016, i ndryshuar me vendimin e bordit të ERE-s nr. 181, datë 23.11.2016.

- OSSH sh.a. ka kërkuar ndryshimin e vendimit nr. 181/2016, “Për disa ndryshime në vendimin nr. 104, datë 23.06.2016, të bordit të ERE” "Mbi përcaktimin e metodologjisë së vlerave referuese në rast se të dhënat e matjes janë përkohësisht të padisponueshme dhe të paarritshme si dhe mbi shfuqizimin e vendimeve të ERE nr. 49, datë 21.10.2004 dhe nr. 146, datë 24.12.2013”, pika 2, gërma “a”, si më poshtë:

Është:

- Në rastet kur **Furnizuesi** konstaton se të dhënat e matjes janë përkohësisht të padisponueshme ose të paarritshme për një periudhë më të gjatë së një muaj (matësi është i dëmtuar, matësi është jashtë kushtit teknik apo mungon aksesi në të dhënat e matjes), faturimi i energjisë elektrike do të bëhet me vlerë referuese.
- Kjo vlerë do të përlllogaritet bazuar në mesataren aritmetike të faturimeve me matje përgjatë **3 viteve të mëparshme**, të të njëjtit muaj me atë të faturuar. Periudha e faturimit sipas këtyre vlerave referuese nuk mund të zgjasë me shumë se tre muaj.

Propozohet- Në rastet kur Operatori i Rrjetit konstaton se të dhënat e matjes janë përkohësisht të padisponueshme ose të paarritshme për një periudhë më të gjatë se një muaj (matësi është i dëmtuar, matësi është jashtë kushtit teknik apo mungon aksesi në të dhënat e matjes), leximi i energjisë elektrike do të bëhet me vlerë referuese.

- Kjo vlerë do të përlllogaritet bazuar në të njëjtin konsum të muajit respektiv të vitit të mëparshëm dhe/ose me konsumin mesatar vjetor.
- Lidhur me konstatimin e bërë nga OSSH sh.a. se: *“në rast se konsumi që do të faturohet muajin aktual duke u bazuar në 3 vitet e mëparshme, nuk do të jetë i saktë dhe përdoruesi do ta ankimojë, përsëri ky rekord do të mbetet në historikun e tij të faturimit, duke bërë që edhe në të ardhmen nëse do të jetë subjekt i kësaj mënyre faturimi, përlllogaritja do të jetë e gabuar”* vlerësohet se me mesataren, vjetore apo me të njëjtin konsum mujor të vitit të mëparshëm, konsumi do të jetë real edhe nëse do të ketë muaj të keqfaturuar (gjatë vitit, përsëri do të jenë bërë sistemimet me ankesë nga përdoruesi apo pa ankesë, por si rrjedhojë e procesit të leximit të matësit).
- OSSH sh.a., citon se gjatë zbatimit të vendimeve të ERE-s, nr. 58/2020 dhe 24/2021 OSSH sh.a. ka përdorur vlerën referuese zëvendësuese siç përcaktuar nga ERE në këto vendime, në pikat respektive të tyre, të vetëm një viti më parë. Lidhur me këtë pretendim vlerësojmë se vendimi i ERE-s nr. 58/2020, është marrë në kushtet e emergjencës së pandemisë Covid-19. Në ato rrethana emergjente në tërësi stafi i institucioneve publike dhe jo publike ishte duke punuar në kushte shtëpie (online).
- OSSH sh.a. konkludon se, *duke qenë se viti 2020 u prek nga situata e krijuar si rrjedhojë e Pandemisë COVID-19, për efekt të kufizimeve gjatë periudhës së zbatimit të aktit normativ të Këshillit të Ministrave nr. 8, datë, 24.03.2020 “Për disa shtesa dhe ndryshime*

në aktin normativ nr. 3, datë 15.03.2020, të Këshillit të Ministrave, “Për marrjen e masave të veçanta administrative gjatë kohëzgjatjes së periudhës së infeksionit të shkaktuar nga COVID-19”, të ndryshuar si dhe VKM-së nr. 243, datë 24.03.2020 “Për shpalljen e fatkeqësisë natyrore”, duke çuar në rënien e konsumit për konsumatorin e kategorisë Private dhe rritjen e konsumit për kategorinë Familjare pas vendosjes së karantinës në rang vendi, nuk do të ishte e udhës të merrej në konsideratë si referencë konsumi i këtij viti, ndaj propozon që aplikimi i metodologjisë së re si më sipër, të fillojë në vitin 2022, në mënyrë që t’i referohemi vitit 2021.

- Analiza e mësipërme e shoqërisë OSSH sh.a., shihet me vend pasi viti 2020 nuk mund të konsiderohet një vit normal për shkak të problematikës së pandemisë Covid -19 edhe aktit normativ të nxjerrë nga Qeveria Shqiptare, rrjedhimisht karantinimi i popullatës ka çuar në një konsum të lartë të energjisë për kategorinë familjare dhe ndryshimin e karakteristikave të konsumit të energjisë për kategori të tjera konsumatorësh.
- Me qëllimin e një diskutimi të përbashkët dhe e një analize më të thelluar mbi kërkesën e shoqërisë OSSH sh.a. për ndryshimin e vendimit të ERE-s nr. 181, datë 23.11.2016, për disa ndryshime në vendimin nr. 104, datë 23.06.2016, të bordit të ERE-s “Mbi përcaktimin e metodologjisë së vlerave referuese në rast se të dhënat e matjes janë përkohësisht të padisponueshme dhe të paarrtshme si dhe mbi shfuqizimin e vendimeve të ERE nr. 49, datë 21.10.2004 dhe nr. 146, datë 24.12.2013”, në referim dhe zbatim të Urdhërit nr. 51, datë 06.08.2021, ERE zhvilloi një seancë dëgjimore me përfaqësuesit e saj dhe të OSSH sh.a.
- Gjatë kësaj seance u diskutua gjerësisht në lidhje me propozimin e OSSH sh.a. si dhe u kërkua që brenda muajit Gusht 2021, OSSH sh.a. të përcjellë në ERE analizën e detajuar mbi të cilën mbështet propozimin e saj për ndryshime në metodologjinë e vlerave referuese si dhe praktikën më të mira ndërkombëtare që mbështesin këtë praktikë siç propozuar.
- Me shkresën nr. 7536/1 prot., datë 02.09.2021, protokolluar me Tonën nr. 715/1 datë 07.09.2021 OSSH sh.a. ka dërguar në ERE shkresën mbi analizën teknike mbi të dhënat e shoqërisë.
- Duke marrë shkas nga eksperiencia e fituar gjatë periudhës së implementimit të vendimeve të bordit të ERE-s nr. 58/2020 dhe 24/2021, OSSH sh.a. sqaron se faturimi me të njëjtin konsum mujor të të njëjtit muaj të vitit të mëparshëm dhe faturimit me konsum mesatar vjetor, është më pranë realitetit të konsumit pas balancimit dhe zbritjes në muajin pasardhës. Pra, sikurse propozuar nga OSSH sh.a. dhe miratuar nga ERE, praktikën rregullatore të miratuara me vendimet nr. 58/2020 dhe nr. 24/2021, konsiderohen të sukseshme për shoqërinë OSSH sh.a.
- Duke aplikuar këto vlera referuese zëvendësuese dhe duke ju referuar analizës teknike të kryer nga OSSH sh.a. të përcjellë në ERE me të tyren nr. 7536/1 prot., datë 02.09.2021, Operatori i Sistemit të Shpërndarjes ka bërë me dije se, *gjatë periudhës Janar 2021 - Prill 2021, OSSH sh.a., në zbatim të vendimit të ERE nr. 24, aplikoi vlerën referuese për rreth 400,000 konsumatorë në total, janë regjistruar 488 ankesa, të përkthyer në 0.1% të totalit të konsumatorëve ku është aplikuar vlera referuese zëvendësuese, ç’ka vërehet se numri i*

ankesave është i ulët. Duke parë simulimin grafik dhe shpjegimet e OSSH sh.a. se, diferenca ndërmjet konsumit Fakt me lexim dhe referueses zëvendësuese të propozuar nga OSSH sh.a. për t'u aplikuar, është më e vogël se ajo që do të aplikohet sipas vendimit nr. 181/2016. Pra, vërehet se vlera referuese zëvendësuese e cila aplikohet duke marrë në konsideratë konsumin e muajit respektiv të vitit të mëparshëm si dhe mesataren e 12 muajve të fundit është shumë pranë realitetit.

- *Në vlerësim të kërkesës së përcjellë nga OSSH sh.a., ERE konstaton se, gërma b) e kërkesës së OSSH sh.a. për një ndryshim në vendimin nr. 181/2016: **Kjo vlerë do të përlllogaritet bazuar në mesataren aritmetike të faturimeve me matje përgjatë 3 viteve të mëparshme, të të njëjtit muaj me atë të faturuar. Periudha e faturimit sipas këtyre vlerave referuese nuk mund të zgjasë më shumë se tre muaj, për qëllim saktësimi sikurse referuar vendimeve të bordit të ERE-s nr. 58/2020 dhe nr. 24/202, gërma b) mund të shprehet si më poshtë:***
- ***“Në rastet kur Furnizuesi konstaton se të dhënat e matjes janë përkohësisht të padisponueshme ose të paarritshme për një periudhë më të gjatë së një muaj (matësi është i dëmtuar, matësi është jashtë kushtit teknik apo mungon aksesi në të dhënat e matjes), faturimi i energjisë elektrike do të bëhet me vlerë referuese. Kjo vlerë do të përlllogaritet bazuar në të njëjtin konsum të muajit respektiv të Vitit të mëparshëm. Periudha e faturimit sipas këtyre vlerave referuese nuk mund të zgjasë me shumë se tre muaj.***
- ***Për kontratat e furnizimit me energji elektrike që nuk kanë faturime të muajit referues të vitit të mëparshëm të konsumit me matje të energjisë elektrike, faturimi me vlera referuese të bëhet bazuar në mesataren e konsumit me matje të energjisë elektrike, të regjistruar gjatë 12 muajve të fundit në sistemin e faturimit.***

Për gjithë sa më sipër, bordi i ERE-s,

Vendosi:

1. Fillimin e procedurës për shqyrtimin e kërkesës së bërë nga OSSH sh.a. për disa ndryshime të pikës 2, gërma “a” dhe gërma “b”, të vendimit të ERE-s nr. 181, datë 23.11.2016 “Për disa ndryshime në vendimin nr. 104, datë 23.06.2016, të bordit të ERE, “Mbi përcaktimin e metodologjisë së vlerave referuese në rast se të dhënat e matjes janë përkohësisht të padisponueshme dhe të paarritshme si dhe mbi shfuqizimin e vendimeve të ERE nr. 49, datë 21.10.2004 dhe nr. 146, datë 24.12.2013”.
- ***Pika 2, gërma “a”, e vendimit të ERE-s nr. 181, datë 23.11.2016, propozohet të bëhet: “Në rastet kur Furnizuesi konstaton se të dhënat e matjes janë përkohësisht të padisponueshme ose të paarritshme për një periudhë më të gjatë së një muaj (matësi është i dëmtuar, matësi është jashtë kushtit teknik apo mungon aksesi në të dhënat e matjes), faturimi i energjisë elektrike do të bëhet me vlerë referuese. Kjo vlerë do të***

përlllogaritet bazuar në të njëjtin konsum të muajit respektiv të Vitit të mëparshëm. Periudha e faturimit sipas këtyre vlerave referuese nuk mund të zgjasë me shumë se tre muaj

- *Pika 2 gërma “b” e vendimit të ERE-s nr. 181, datë 23.11.2016 propozohet të bëhet: Për kontratat e furnizimit me energji elektrike që nuk kanë faturime të muajit referues të vitit të mëparshëm të konsumit me matje të energjisë elektrike, faturimi me vlera referuese të bëhet bazuar në mesataren e konsumit me matje të energjisë elektrike, të regjistruar gjatë 12 muajve të fundit, në sistemin e faturimit.*

2. Drejtoria Juridike dhe Zgjidhjes së Mosmarrëveshjeve, të njoftojë palët e përfshira, për vendimin e bordit të ERE-s.

Ky vendim hyn në fuqi menjëherë..

Për këtë vendim mund të kërkohet rishikim në ERE brenda 7 ditëve kalendarike si dhe mund të bëhet ankim në Gjykatën Administrative Tiranë, brenda 30 ditëve kalendarike nga dita e publikimit në Fletoren Zyrtare.

Ky vendim botohet në Fletoren Zyrtare.

KRYETARI

Petrit AHMETI